

**TEZAUUR LITURGIC**  
**3 FEBRUARIE**

**ACATISTUL**  
**SF. IERARH**  
**NICOLAE**  
**KASATKIN,**  
**ARHIEPISCOPUL**  
**TOKIO**  
**ȘI ÎNTREGII JAPONII**



**MOSCOVA, 2000**



# Акафист святому равноапостольному Николаю, архиепископу Японскому

## Кондак 1

Избранный от родов русских на благовестие Христо́во в странѣ Япо́нской, ду́шу твою́ полага́л еси́ за о́вцы тво́я, утвержда́я их в ве́ре и́стинней. Те́мже по́двиги тво́я почита́юще, хва́лим тя: Ра́дуйся, святы́й равноапо́стольный Нико́лае, земли́ Япо́нския просвети́телю.

## Икос 1

А́нгел, я́коже Товии иногда́, спутешествова́ тебе, о́тче Нико́лае, егда́ в младая́ лета́ тво́я напра́вил еси́ стопы́ в страну́, далече́ отстоя́щую, да просвети́ши лю́ди, во тьме́ неведе́ния сидя́щая, све́том Ева́нгелия Христо́ва. Сего́ ра́ди вопие́м ти си́це:

Ра́дуйся, Смоле́нския земли́ сла́вное рождѣ́ние;  
ра́дуйся, от младе́нства храм Бо́жий возлюбивы́й.

Ра́дуйся, в сиротстве́ Богома́терию Оди́гитриею не оставленны́й;

ра́дуйся, духо́вными уче́ными умудре́нный.

Ра́дуйся, на бде́нии всено́щнем призва́ние на труд апо́стольский прие́мый;

ра́дуйся, сла́дость ми́ра ни во что́же  
вмени́вый.

Ра́дуйся, чи́на а́нгельскаго и са́на священнаго  
уосто́енный;

ра́дуйся, к неведя́щим спасе́ния ми́лости  
исполне́нный.

Ра́дуйся, пропове́дати Ева́нгелие вожде́лэвый;

ра́дуйся, и да́льных я́ко бли́жних возлю́бый.

Ра́дуйся, гоне́ния за ве́ру не страши́выйся;

ра́дуйся, ко́зней вра́жиих не убо́яыйся.

Ра́дуйся, святы́й равноапо́стольный Нико́лае,  
земли Япо́нския просвети́телю.

### **Кондак 2**

Ви́дя по́двиги святи́теля Иннокенти́я,  
богомудраго просвети́теля Сиби́рскаго и  
Алеу́тскаго, и от того́ благослове́ние и  
наставле́ние на путь свой прие́м, поревновáл еси́  
ему́, сло́во Бо́жие лю́дем непросвеще́нным  
неуста́нно пропове́дуя и Го́сподеви по́я:  
Аллилу́иа.

### **Икос 2**

Ра́зум во смире́нии явил еси́, святче, Го́споду  
моля́ся о е́же прияти я́сное разуме́ние язы́ка  
япо́нскаго: «Ка́ко пропове́даю наро́ду чужде́му?  
Ка́ко отве́рзу уста́ неиску́сная, а́ще не Сам Ты  
наста́виши мя?» Мы же, дивя́щися, ка́ко ты

словесы́ богодохновенными́ па́ству твою́ своимъ ей нарече́нием поуча́л еси́, восхваля́ем тя:

Ра́дуйся, любви́ю Христо́вою вся побежда́вый;

ра́дуйся, духо́вныя младе́нцы словесы́ Евангелскими́ пита́вый.

Ра́дуйся, вражду́ющия в ча́да любви́ю претвори́вый;

ра́дуйся, тех грехи́ креще́нием омы́вый.

Ра́дуйся, уче́ными неуста́нными ве́ру укрепля́вый;

ра́дуйся, наста́вник рачи́тельный и до́брый явивы́йся.

Ра́дуйся, пресви́теров япо́нских поста́вивый;

ра́дуйся, церко́вный чин устро́ивый.

Ра́дуйся, о стране́ Япо́нской моли́твенниче;

ра́дуйся, согла́сия бра́тскаго поборо́ниче.

Ра́дуйся, свети́льниче ве́ры правосла́вныя;

ра́дуйся, сокрови́ще кротости́ духо́вныя.

Ра́дуйся, святы́й равноапо́стольный Нико́лае, земли́ Япо́нския просвети́телю.

### **Кондак 3**

Си́ла Вы́шняго осени́ и укрепí ты, о́тче, егда́ прише́л еси́ в страну́ язы́ческую, сме́рти ча́да своя́ преда́ющую за прия́тие благове́стия Христо́ва. Ты же, в земли́ сей прозрева́я ниву́ Бо́жию, воспева́л еси́ Спаси́телю: Аллилу́иа.

### Икос 3

Имеяй любовь нелицемерную, чаял еси страну Японскую быти невесту украшенную, Жениха Христа на брак ожидающую, обаче сретоша ты народи, проповеди Евангельския чуждающиеся. Темже, почитающе подвиг апостольства твоего в земли сей, прославляем тя:

Радуйся, сеятелю слова Божия неленостный и щедрый;

радуйся, всемогущею силою Креста Господня укрепленный.

Радуйся, столпе веры и благочестия непоколебимый;

радуйся, пастырю небоязненный и чадолюбивый.

Радуйся, разумимый Богопросвещенный;

радуйся, проповедниче неумолкающий.

Радуйся, в послушании воли Божией утвердивыйся;

радуйся, помощника крепка себе Бога стяжавый.

Радуйся, исповедников сопричастниче;

радуйся, верный о нас молитвенниче.

Радуйся, скорбящих милостивый утешителю;

радуйся, по заповеди Господни враги своя любивый.

Радуйся, святой равноапостольный Николае, земли Японския просветителю.

## Кондак 4

Бурю лю́тую воздви́гоша на правосла́вных христиа́н служи́телие идо́льстии, зрѣти не терпя́щии числа́ ве́рных умножа́емаго и Це́ркве Христо́вы созида́ющияся. Ты же, раду́ясь мужеству́ и терпѣ́нию ча́д твои́х, в темни́цах заключѣ́нных, купно́ с ними́ возглаша́л еси́ Бо́гови: Аллилу́иа.

## Икос 4

Слы́шаще, я́ко уче́ние Христо́во вся наро́ды объе́млет и прие́млет их равночѣ́стно, и я́ко оби́тели ве́рным мно́ги на Небесе́х Госпо́дь угото́ва, притека́ху к тебе́, па́стырю до́брый, мужи́е и жены́, о́троцы и ста́рцы; те́мже и мы возглаша́ем ти:

Ра́дуйся, ма́лое ста́до Христо́во собра́вый;

ра́дуйся, те́сным путе́м к Бо́гу его́ приве́дый.

Ра́дуйся, Аки́ле и Приски́лле подража́ти ве́рныя научи́вый;

ра́дуйся, це́ркви дома́шния утверди́вый.

Ра́дуйся, о́бщия трапѣ́зы благослови́вый;

ра́дуйся, ча́да в беда́х николи́же оста́вля́ый.

Ра́дуйся, кре́пким в ве́ре немощны́я вруча́ый;

ра́дуйся, изнемога́ющих оте́ческою длáнию держа́ый.

Ра́дуйся, му́дро на ниве́ Христо́вой се́яый;

ра́дуйся, Це́рковь на ка́мени твёрде́м строи́ый.

Ра́дуйся, ра́бе усердны́й, вруче́ннаго тала́нта  
не сокрывы́й;  
ра́дуйся, рассу́ждение духо́вное оби́льне  
явивы́й.

Ра́дуйся, святы́й равноапосто́льный Нико́лае,  
земли Япо́нския просветителю́.

### **Кондак 5**

Боготе́чная звезда́ яви́лся еси́, о́тче, Со́лнцу  
Правды́ Христу́ служа́ ревно́стне и ко Го́споду  
приводя́ ве́рных, яко́же дре́вле звезда́  
Вифле́емская. Егда́ же возведе́н был еси́ в сан  
архиере́йский, благода́ть сугубу́ю Це́рковь  
Бо́жию устро́яти и ду́ши челове́ския  
просвещати́ прия́л еси́. Светоно́сною же  
моли́твою твоею́ и мы осеня́емии, вопие́м  
Христу́: Аллилу́иа.

### **Икос 5**

Ви́дя капи́ща идо́льская, со слеза́ми моля́шеся  
святы́й: «Где сози́жду це́рковь Тебе́, Го́споди?» –  
и бы́сть услы́шана моли́тва его́. Чудны́й храм  
Воскресе́ния Христо́ва во гра́де То́кио труды́  
мно́гими и по́мощию люде́й ру́сских воздвигся́.  
Сего́ ра́ди и мы богоно́сному святите́лю, в его́ же  
па́мь доны́не храм той Никола́й-до  
нарица́ется, возно́сим похва́лы таковы́я:

Ра́дуйся, я́ко еле́нь на исто́чники водны́я, к  
Божество́нной Трапезе́ притека́вый;

ра́дуйся, собо́р Воскресе́ния Христо́ва и други́я хра́мы возведы́й.

Ра́дуйся, Крест над гра́дом сто́льным утвердивы́й;

ра́дуйся, звон кампа́нный до небесе́ вознесы́й.

Ра́дуйся, пла́мень гонения́ на христиа́н угасивы́й;

ра́дуйся, почита́ние премно́гое в лю́дех япо́нских стяжавы́й.

Ра́дуйся, благим обы́чаем не возбранивы́й;

ра́дуйся, дру́га и бра́та в наро́де япо́нском обреты́й.

Ра́дуйся, Бо́гом по́сланный просветителю́;

ра́дуйся, ве́рный Госпо́день домоправителю́.

Ра́дуйся, ны́не увенча́нный сла́вою небесе́ною;

ра́дуйся, торже́ствуя дивно́ си́лою Крестно́ю.

Ра́дуйся, святы́й равноапо́стольный Нико́лае, земли́ Япо́нския просветителю́.

### **Кондак 6**

Пропове́дницы́ свята́го Ева́нгелиа ра́дуются в го́рних черто́зах, прие́млюще тя, я́коже собра́та. Мы же, сродни́цы твои́, в прославлéнии твоём ми́лость Бо́жию к нам, грéшным, зря́ще ве́лию, Бо́гу воспева́ем: Аллилу́иа.

### **Икос 6**

Воссия́л еси́ я́ко звезда́ но́вая, о́тче Нико́лае, от земли́ Смоле́нския да́же до страны́ Япо́нския

доше́д, и апо́стоольскими́ труды́ дивнымъ́ ру́скимъ́  
святы́м уподо́бился: Влади́миру  
Равноапо́стоольному, Стефа́ну  
Перми́  
просвети́телю, Иннокенти́ю  
Ирку́тскому и  
Герману́ Аляски́нскому, яже́ сутьъ́ Църкви́  
наше́й  
боже́ственное сия́ние. Мы же́, вели́кия  
радо́сти  
исполне́ни, в лице́ семъ́ прославля́емъ́  
тебя́, но́ваго  
Бо́жия уго́дника:

Ра́дуйся, диа́кона благо́честиваго́  
до́брый сы́не;  
ра́дуйся, нищету́ смире́нно  
претерпе́вый.

Ра́дуйся, обе́т нестяжа́ния  
Бо́гу прине́сый;  
ра́дуйся, обеща́ния  
ино́ческая да́же до сме́рти  
соблюди́.

Ра́дуйся, архипа́стырю, в  
ри́зы ве́хия  
облече́нный;

ра́дуйся, во убо́гих  
ке́ллияхъ́ пожи́вый.

Ра́дуйся, в ми́ре жи́вый,  
оба́че ми́рская  
презре́вый;

ра́дуйся, до преде́лов  
зело́ да́льных доше́дый.

Ра́дуйся, му́дрый  
наста́вниче  
новопросвеще́нных;

ра́дуйся, попечи́телю о  
рыба́ках ай́нскихъ́.

Ра́дуйся, сподви́жниковъ́  
себе́ во учи́лищехъ́  
возрасти́вый;

ра́дуйся, вертогра́дъ  
в землѣ́ Япо́нской  
насади́вый.

Ра́дуйся, святы́й  
равноапо́стоольный  
Нико́лае,  
земли Япо́нския  
просвети́телю.

## Кондак 7

Хотяй Цѣркви Японской пастырей добрых и мирян верных возрастити, отче Николае, устраяя еси школы и училища духовная, и собрал еси наставников премудрых, и пение церковное добре учинил еси, во еже пастве многой выну с тобою пѣти: Аллилуиа.

## Икос 7

Новое явися торжество во граде Токио, егда совершаше святитель празднование Воскресения Христова в храме соборном, тогда видеша людие японскии Пасху Божию спасительную. Мы же, добродетелем твоим, отче Николае, дивящися, вопием велегласно:

Радуйся, устройтелю церковнаго пира честнейший;

радуйся, в вѣце жестоцем любовь Христову сохранивший.

Радуйся, на всяк день и час спасения ради ближних подвижавыйся;

радуйся, неленостне верныя посещавый и наставлявый.

Радуйся, в преложении священных книг даже до кончины трудивыйся;

радуйся, благодать Божию в делании непрестаннем стяжавый.

Радуйся, проповедию зерно горчичное насадивый;

ра́дуйся, дре́во прекра́сное ве́ры возрасти́вый.  
Ра́дуйся, пло́ды трудо́в свои́х при исхо́де  
узре́вый;

ра́дуйся, дре́во си́е многопло́дное нам  
завеща́вый.

Ра́дуйся, и по кончи́не неве́дущия к Бо́гу  
приводя́й;

ра́дуйся, пребыва́я ны́не со все́ми святы́ми в  
Ра́и Иису́сове.

Ра́дуйся, святы́й равноапо́стольный Нико́лае,  
земли Япо́нския просвети́телю.

### **Кондак 8**

Стра́нная и чу́дная видеша лю́дие, егда́  
христиа́не япо́нския вои́ном ру́сским пленённым  
бра́тски служа́ху и вся́кое милосе́рдие тем  
явля́ху. Мы же, пло́дам любви́ Христо́вой в  
новопросвещённых ча́дах Це́ркви Япо́нской  
дивя́щися, Го́споду пе́снь воспо́им: Аллилу́иа.

### **Икос 8**

Всего́ себё преда́л еси́ на служе́ние Бо́гу,  
равноапо́стольне Нико́лае, и лю́дем тако́жде о  
Го́споде служа́ непреста́нно, обоя́ запове́данная  
прему́дре испо́лнил еси́. Те́мже тебе́, ца́рским  
пу́тем добродётелей проше́дшему, умиле́нно  
воспева́ем:

Ра́дуйся, Бо́жий усердны́й служи́телю;

ра́дуйся, пленённых ру́сских вои́нов  
попечителю.

Ра́дуйся, Безкро́вную Же́ртву за лю́ди твоя́  
приноси́вый;

ра́дуйся, ду́ши смущённыя умири́вый.

Ра́дуйся, па́ству твою́ в тяжкия дни бра́ни не  
оста́вивый;

ра́дуйся, ду́шу свою́ за па́ству полага́вый.

Ра́дуйся, ми́лости и му́жества наста́вниче;

ра́дуйся, отве́рженных тѣхое пристáнище.

Ра́дуйся, сокрови́ще смире́ния;

ра́дуйся, о́бразе пока́яния.

Ра́дуйся, ве́ра непосты́дная;

ра́дуйся, лю́бовь непобеди́мая.

Ра́дуйся, святы́й равноапо́стольный Нико́лае,  
земли Япо́нския просветителю.

### **Кондак 9**

Вся́кое дре́во по пло́дам позна́ется, плод же  
трудо́в твои́х ве́лиих есть спасе́ние люде́й  
премно́гих. Яви́ша бо ся мно́гия ты́сящи  
правосла́вных христиа́н та́мо, иде́же пре́жде не  
бе ни еди́наго. Сего́ ра́ди возопи́м  
наста́вльшему тя на пропове́дание твоё Го́споду:  
Аллилу́иа.

### **Икос 9**

Ветии́ многовещáннии по́двигом твои́м  
изумля́ются, а́нгели с тобо́ю ликовству́ют, мы

же, разумеюще смиренное и подвижническое житие твоё, духовную брань противу мира, плоти и диавола непрестанную, и терпение премное, хвалим тя сице:

Радуйся, не древле, но в последняя времена подвижавыйся;

радуйся, лютую брань уныния победивый.

Радуйся, Христа безстрашное исповедание;

радуйся, безбожия, язычества и ересей посрамление.

Радуйся, образе архипастыря православнаго;

радуйся, источнике ведения духовнаго.

Радуйся, нерадения нашего обличение;

радуйся, во бранех духовных укрепление.

Радуйся, моления отчески приемляй;

радуйся, прошения наша исполняй.

Радуйся, бессмертная радости исполненный;

радуйся, воздаянием многим обогащенный.

Радуйся, святой равноапостольный Николае, земли Японския просветителю.

### **Кондак 10**

Спасти всеусердно тщался еси люди отчаянныя, Истиннаго Бога не ведущия. И всякому вопрошающему, премудрому и не книжному, ясный ответ о твоём уповании возвещал еси. Ныне же, в сени смертней свет узревшая, чада твоя со всею Церковию вопиют: Аллилуиа.

## Икос 10

«Стенá нерушима буди ча́дом Цёркве но́вья, о Пресвята́я Де́во Богоро́дице!» – те́пле моля́шеся святите́ль. Пребыва́ше бо Цёрковь Япо́нская посреде́ инове́рия. Мы же, зря́ще ны́не кре́пость и ве́рность христиа́н япо́нских, поём богому́дрому па́стырю си́це:

Ра́дуйся, па́стывы твоея́ моли́твенный покрóве;  
ра́дуйся, Го́споду и Ма́тери Егó сию́ вруча́яй.

Ра́дуйся, отроко́в и отрокови́ц моли́тися научивы́й;

ра́дуйся, вы́соту́ целому́дря ю́ным изъясни́вый.

Ра́дуйся, бра́ки честны́я соверша́вый;  
ра́дуйся, градо́м и ве́сем мир приноси́вый.

Ра́дуйся, ста́рцу отцу́ до кончи́ны помога́вый;  
ра́дуйся, во всех ну́ждех упова́ние на Бо́га возлага́вый.

Ра́дуйся, хитросплетéния злове́рных разруши́вый;

ра́дуйся, хле́бом Сло́ва Бо́жия па́ству твою́ насы́тивый.

Ра́дуйся, ду́шу за лю́ди япо́нския полага́вый;  
ра́дуйся, успением твоим ча́да радостопеча́лия испо́лнивый.

Ра́дуйся, святы́й равноапóстольный Никóлае,  
земли Япо́нския просветите́лю.

## Кондак 11

Пѣние надгробное многажды совершаешя, и слезы многия проливаешя, егда почи святитель Божий, исполнив лета долга и до дня послѣдняго не оставив трудов и попечений о возлюбленной пастве своей. Обаче благодатию Божественною утешаемии, воспеваша чада твоя, отче Николае, Господеви: Аллилуиа.

## Икос 11

Светло Церковь Японская прият благовѣстие на наречии своем от тебе, просветителю истинный, уподобился бо еси вселенским учителем, преложив Священное Писание и службу Божественную на язык японский, избирая письмена и начертания, премудрым и простым понятная. Темже почитающе добродѣлание твое, хвалим тя сице:

Радуйся, тайны Священнаго Писания постигнувый;

радуйся, пастве японской сия изъяснивый.

Радуйся, от соборнаго разума Церковнаго никакоже отступивый;

радуйся, удобоприятны твоя глаголы творивый.

Радуйся, в преложениих речения ясная избиравый;

радуйся, ложная и лѣстная отметавый.

Ра́дуйся, слѹ́жбу свяще́нную на язы́це  
Япо́нском но́вей Це́ркви дарова́вый;  
ра́дуйся, наро́д япо́нский я́ко бра́тий до конца́  
возлю́бивый.

Ра́дуйся, смири́вый го́рдость му́дрецов  
лжеиме́нных;

ра́дуйся, возлю́бивый кро́тких и смире́нных.

Ра́дуйся, па́ству духо́вным ме́дом и млеко́м  
пита́вый;

ра́дуйся, бла́женне от трудо́в твои́х премно́гих  
почи́вый.

Ра́дуйся, святы́й равноапо́стольный Нико́лае,  
земли Япо́нскаго просвети́телю.

### **Кондак 12**

Благода́ть Божество́нная яви́ся я́сно в дея́ниих  
твои́х, апо́стольским ра́вных, свяще́нне Нико́лае,  
в любви́ твоёй, самоотверже́нии духо́вных ча́д  
твои́х ра́ди и в попече́ниих о стра́ждущих.  
Наипа́че же Це́рковь Япо́нская доны́не свято́сть  
твою́ возвеща́ет, с нею́ же купно́ и мы воспева́ем  
Го́споду: Аллилу́иа.

### **Икос 12**

Пою́ще ра́достно в ли́це ру́сских святы́х твоё  
прославлéние и равноапо́стольным именовáние,  
сродни́че наш и па́стырю, со все́ю Це́рковию  
Правосла́вною взыва́ем ти си́це:

Ра́дуйся, Святы́я Це́ркве украше́ние;

ра́дуйся, всех притека́ющих к тебе́ утеше́ние.  
Ра́дуйся, пра́вых сужде́ний свято́е зерка́ло;  
ра́дуйся, страда́ний дивное врачевание.  
Ра́дуйся, подвиза́ющихся сподви́жнице;  
ра́дуйся, нестро́ения вся́кая исправля́й.  
Ра́дуйся, ча́д твои́х в райских оби́телех  
обрета́й;  
ра́дуйся, помина́ющих тя помина́й.  
Ра́дуйся, све́том невече́рним вся оза́ряй;  
ра́дуйся, звездо́, от За́пада до Восто́ка  
просия́вшая.  
Ра́дуйся, любви́ Бо́жией пропове́днице;  
ра́дуйся, во вся́ких напа́stech моля́щимся тебе́  
ско́рый помо́щнице.  
Ра́дуйся, святы́й равноапосто́льный Нико́лае,  
земли Япо́нския просвети́телю.

### **Кондак 13**

О пресла́вный просвети́телю страны́ Япо́нския,  
при́сный моли́твенниче наш пред Го́сподем,  
равноапосто́льне Нико́лае! Приими́ ны́нешнее  
наше приноше́ние и умоли́ Спаси́теля Бо́га, да  
утверди́т в ве́ре и благоче́стии лю́ди  
правосла́вныя, и изба́вит нас от вся́ких  
напа́стей, бед и скорбе́й, враго́в ви́димых и  
неви́димых, и пода́ст грехо́в оста́вление, и  
вече́ных мук изба́вление, и Ца́рствия Небе́снаго  
сподо́бит, да купно́ с тобо́ю и все́ми святы́ми  
Тро́ице Святе́й во ве́ки веко́в поём: Аллилу́иа.

## Молитва

Святче Божий, пастырю добрый, делателю верный винограда Христова, равноапостольне Николае! Призри на град сей и на люди сия, моли Христа Бога, да низпослет нам Духа Своего Святаго дар, во еже умудрити нас ходити пред Ним во всяком благочестии и чистоте во вся дни жизни нашей: да славословяще имя Его всесвятое во дни и нощи, сподобимся быти наследницы жизни вечныя, и прославим Отца и Сына и Святаго Духа ныне и присно и во веки веков. Аминь.

[Текст акафиста утвержден решением Священного Синода от 11 марта 2020 года (журнал № 22)]



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

†

НОВОЕ  
НЕБО